

古田縣志卷之二十二

惠政志

倉儲 養濟院 育嬰宣講所 義塚 清葬局 教會醫院及盲童教養院附

普濟堂

政化之行也田里樹畜足民有方豈必乘輿濟人煦煦然以小惠為哉然一夫不獲時予之辜推己飢己溺之心而為彌縫救濟之事則鰥寡孤獨廢疾之有養固大同之所以為治也古田地瘠民貧一切善舉俱以經費支絀未廣推行而婦孺醫院及盲童教養院之設反讓美於西來之耶穌教會吾國人其亦知所興起矣纂惠政志

倉儲

豫備倉

明設貯本色米清順治十一年詔各府州縣豫備責成該道員稽查每年二季造冊報部以後何時改併無可考矣

古田縣志

卷之二十二

惠政志

一

際留倉

明設貯本色米今廢

萬安倉

明設今廢

寶興場倉

明設改折備餉今廢

福清倉

明設折價解府給軍今廢

常平倉 清順治十二年令各衙門自理贖緩春夏積銀秋冬積穀悉入常平倉以備賑救十七年議准常平倉穀春發糶秋冬糶還遇凶荒按給貧氏康熙十八年勅地方官整理常平倉每歲秋收勸諭官紳士民捐輸米穀照例議敘十九年又飭直省常平倉穀留本地備賑又乾隆十三年奉文常平倉應貯額穀一萬九千九百石計倉廩新舊共三十間在縣署儀門內

東邊二十四間西邊

六間

此乾隆十七年以前額數也嗣嘉慶四年知縣房永清領款修建倉十四座計四十四間在縣署二門內東西兩邊實貯穀一萬九千九百九十七石五斗四升至道光十二年間軍需動銷穀二千零六十石零三斗二升六合又咸豐三年軍需動銷穀二千三百八十二石六斗四升四合又咸豐七年軍需動銷穀八千二百九十五石六斗二升三合九勺零九撮又歷任盤折折價解存司庫並開支監犯口糧動銷穀三千八百七十七石九斗四升六合零九杪一撮共動銷減額穀一萬六千六百一十六石五斗四升現僅剩二門內東邊倉廩二座計四間其餘及西倉均損壞並未修建蓋自清光緒宣統之季至民國五

古田縣志

卷之二十二

惠政志

二

年度止均係實貯穀三千三百八十一石此爲現存穀額云民國九年孔婁二任蟲傷鼠耗盤折穀一十五石

民國十年夏間因古邑米糧短缺貧民購食維艱經吳知事佐宸呈奉核准平糶四百五十九石所糶穀價于冬收時儘數買補還倉穀五百二十八石計溢田穀六十九石除吳任舊穀盤折三十二石共存穀三千四百零三石

民國十一年粵軍過境該倉被軍糧局封收碾動撥作軍食穀一千二百七十三石

民國十二年供辦水口駐防楊團軍米碾動穀一百四十三石
民國十五年古邑又因旱荒報奉省府核准開倉平糶三百八十

四石所糶穀價寄存縣商會以備冬收買補後被第八路盧司令過境提作軍隊路費之用無款買補

縣長林英辦理兵差挪動平糶穀一百六十六石五斗

縣長陳冠露糶出穀三百一十石外實存穀一千一百二十六石五斗

按古邑常平倉廩自道光十年以後遞年穀數陸續減少倉廩因亦歸併儲積致無穀各廩久未修葺漸就壞圯今僅存有穀倉廩三欄較之原有倉廩計已減少四十欄至所存倉穀因從前前軍需動銷以及先後平糶後來雖有買補之文究無買穀還倉之實是以現在僅存前數

古田縣志

卷之二十二

惠政志

三

社倉 清康熙十八年勅各縣鄉村市鎮立義倉十九年又勅立社倉義倉各留本鄉村備賑康熙五十三年又奉文各州縣立社倉原存社穀三百六十七石七斗九升二合乾隆五年知縣馮永振劉光訓任內又勸官紳士庶共捐穀一千六百八十六石除動支建倉外實存穀一千五百七十六石九斗五升乾隆十八年知縣辛竟可任內又奉文勸捐分貯各鄉遴選社長經理其事以便民就近借還當時知縣辛竟可捐穀一百石典史夏廷英捐穀十石倡率紳商藍孫璿等共捐穀一千五百四十一石九斗連舊穀通共三千五百九十六石六斗四升二合分貯城鄉設立社倉三十四所共各社穀額及樂捐姓名俱造報

在案迄今日久各鄉社倉之設置處所舊址無一存者社穀之如何銷廢亦無可稽查人存政舉是所望於留心民瘼者

附發賑

清雍正四年八年及乾隆三年各年度邑俱歉收夏秋之交米價騰貴邑令趙宏煥徐治民馬綸華姚廷格等先後開倉發粟并勸殷戶減價平糶視穀之多寡分別請獎

光緒二十年間夏秋之交縣城米價騰貴邑令何鼎胡慶榮任內鬧米之案叠出嗣殷紳議立米局分派各殷商認額運米減價平糶以惠貧民并請以法繩諸惡棍之藉端滋事者地方始靖民國三年夏縣城復乏米價日翔貴知事林炳華以內地糧食不

古田縣志

卷之二十二

惠政志

四

敷商勸紳殷認額採買海米數百石平糶民食得繼

積穀

按本縣倉儲自遜清以迄民初辦理欠善間或應兵差或供歲歉一經挪動倉廩爲虛更以鼠耗蟲傷疏於管理而考覈情形闕漏殊多民二十六年蘆溝橋七七戰起軍需民食亟宜未雨綢繆迭經中央政府先後令飭各省縣辦理積穀本縣於二十六年冬張前縣長海容任內對此項積穀曾一度舉辦惜所積之數不過十一萬四千餘斤每一百五十二斤折一市石計（約五百市石）穀款千餘元只佔當時全縣預定之額三分之一旋以他調而止迨二十七年秋黃縣長澄淵接篆正值第二期抗戰

序幕展開之際理繁治劇自不待言而積穀爲適應抗戰期中之軍食荒旱因之末稍或緩也古田全縣四區揆自二十四年起各區應行籌積之額短絀過鉅黃縣長蒿目時艱救亡急待乃嚴令各區將遞年所短穀額催促各鄉依限照補一面從新攤配計收積二十四二十五兩年全縣短額六千一百七十一市石又全縣各區新積二十六年度六千八百八十市石又二十七度二百四十六市石除一部份儲藏於縣倉外其餘均分別囤積於四區之區倉及保倉惟各區區倉設備因限於經濟或從新建築或暫假公地不得不視各區之情況而定之第一區二十七年曾經陳區長隱莘籌建區倉一所於區署所在地

古田縣志

卷之二十二

嘉政志

五

平湖只能容量三百擔其他各保則借用祠宇公地略繕而分藏之二區未建區倉所積之額勻分五十所每所可積五十擔三區因地方不靖數量有限而區保倉之設更付闕如不過於杉洋利用公地囤積之至第四區方面則另按現有聯保分別寄藏於聯保所在地之祠宇如嵩水雙灣谷黃峯廷鳳珠七仕永華局滌八聯保是也此外如遜清流交陳穀一千一百二十六石五斗於二十八年九月雜併新穀十分之五互相拌勻合計一萬二千八百七十七石五斗除抽出一千石經請准省政府運省銷售餘款則由縣政府於秋收採購彌補外而全縣現存之穀爲數當在一萬一千八百七十七石五斗凶年饑歲而

酌盈劑虛是在賢者之爲政矣

育嬰堂 附設在城內府管口陳清端公祠內前志載清雍正二年立在城內三保雙垵河乾隆間廢產業併入奎光書院爲膏伙及光緒三年官紳復捐貲設局暫賃三保后街民屋爲辦事處至二十四年局董秦葆楨吳謙光等復移今所易堂爲局惟產業無多恒藉官紳殷戶按月捐助以資維持至民國二十五年八月開六十週紀念會統計存活女嬰五千餘口至於局產共計若干另詳碑記列后

本局創自清光緒三年初捐入頗豐得餘資置產年收田租店租地租計百餘元越民國捐銳減將中止蒙知事婁公啓銓力加整頓顧基金太絀經前局長陳朝楨副局長曾培基暨局員協社團呈奉沈恆華知事立案准以魏陳二公合祠其魏公祠產除完祭外撥充育嬰經費時僧達本誤認爲寺產構訟十年旋蒙高法院判歸本局管收管祭判詞存又南洋僑商捐一千百餘元先後置產統計年約收大洋三百餘元另縣政府由地方款月撥三十元後加十元共撥四十元其出入尙屬不敷此後仍須募捐補助今將各產業泐之於石以垂永遠云爾

原有產業十二都極樂土名大坵裏面積租一十石五升佃陳 恭
鳳迴土名亭下壠租米八石一斗五升佃丁星團

十都西峯土名周正大王壠租米四石四斗佃林德彬

三保府管口店屋一座
土庫一所年收租金一十六元六角

二保地坪一片與陳奮齋夾買年收租金三元

三保二境店屋一座年收租金五元雙埧河舊局所年收鍾桂

花租金二千

本局門首左右地坪三所年收郭鼎傳等租金共二元今該地坪被玉
屏學校收用

五都院前土名杉模嶺山場一所民國四年駱知事撥充

追同原
有口業九都山頭仔土名圭角石等墩租金三十元佃莊有為等

九都五斗土名碓洋等墩租金人元七角
七分五佃劉理卿

口置
產業十二都羅家墩土名魚倉坵等墩租四石三
斗五升佃陳大昌

西關外土名長源壠過崗等墩租米四石佃周生光

古田縣志

卷之二十二

惠政志

七

十四都洋頭土名裏井及烏石仔租米二石八斗佃宋如銓

本局內池園年收張燦俊租米二石
五斗與陳公會各半勻收

魏公祠產撥充局費址四十四都瑞岩地方土名黃泥崗后門

墩等墩年收租米佃人杜華仁三石零二升五合杜世忠一石

六斗七升杜五弟三石八斗村官倫二石零六升杜世球三石

零二升吳開彪一石七斗吳步居三石零二升五合吳步田五

石四斗五升

又址十六都土名大墩壠租米一十一石七斗佃林盛周糧完

城育嬰局戶三等三則
一三
一十八畝又三十五畝零九分
二二
四二等二則五畝五分
一十畝正

按古田縣城廂育嬰局創始於遜清光緒三年垂今數十載端賴

地方慈善名達熱心擘劃慘淡經營先後計存活女孩五千餘口洵爲邑人所頌德矣民國二十八年八月奉省令改爲兒童保育所仍以原局長余鍾英氏爲所長丁翼氏爲副所長按月編列概算由縣補助慈善經費四十元此外若平湖卓洋兩處亦先後奉令改爲兒童保育所按月各由縣補助經費二十元以資辦理而杉洋之育嬰局自遜清光緒末葉雖經紳士余敏德等一度倡辦嗣以經費短絀乃告中止民國二十八年九月該區耆紳余吉章余葆清等目覩該區溺女之風頗盛遂又提倡恢復育嬰之設僉呈縣政府請予設立兒童保育所按平湖卓洋兩處成案月亦撥補助費二十元業經縣府據情呈省追

古田縣志

卷之二十二

惠政志

八

加預算諒可成議云

各區育嬰局

一在大東西洋村

光緒七年成立今廢

一在大東鄒洋村

紳士阮杏先等募建今廢

一在西鄉局下村

遜清光緒元年紳士魏雁飛陳學蕃等募建今廢

一在南鄉水口

今廢

同善社

光緒初年紳士吳鯉光余鍾麟聯合同志等調口城廂年老孤貧口靠特編鄰一册按名給米一斗炭十觔口於年終無處購米炭時行之以資度歲云

聞善社宣講局光緒間邑令易簡同紳士翁廷玉等設每朔望宣講上諭及各項善書至宣統二年停辦

宣講局 附設在杉洋鄉約堂光緒間邑令王壽衡捐俸倡設并

由紳士捐助之每月朔望派宣講生宣講上諭及諸善書聽者甚衆嗣因王令去職款絀停辦

宣講所 附在縣立學校民國三年知事駱兆奎奉文設以紳士

徐炳綸曾元凱爲正副所長演講稿具報存案至五年停辦

義塚 在縣城西北伏龍崗宋時邑令呂晉夫營於縣北二里許後邑令留元亮移於南門外明邑令王繼祀始遍設於各鄉繚以圍牆扁其柵曰澤骨園茲就前志所載並新建者列之

郭附 一在十二都一保舊趾鄉厲壇邊 一在十四都彭厝後鄉

厲壇邊

東大 一在三十五都興頭山 一在三十六都杉洋太平宮後

古田縣志

卷之二十二

惠政志

九

一在三十七都牛巷可湖係陳念與葉世福控告充公山內

一在三十七都夾竹村鄉厲壇邊 一在三十八都九保埕鄉

厲壇邊下 一在三十九都師父殿邊 一在四十都考壠坂

一在四十一都滌頭了 一在四十一都蓮家塘係陳宗遠

鄒大朋爭墳充公山內 一在三十八都嶺裏村係謝伯才建

小東 一在四十二都黃坑嶺鄉厲壇邊 一在四十三都蓋頭坪

鄉厲壇邊 一在四十四都安樟嶺頭了厲壇邊 一在四十

五都溪口亭邊 一在四十五都大重峯厲壇邊 一在四十

六都浮坪路後

西鄉 一在一都白馬殿後係本都排年王墀所捨 一在二都良

坑隘下鄉厲壇邊 一在三都下雙坑鄉厲壇邊 一在四都
官山三保鄉厲壇邊 一在五都螺峯亭邊官山 一在七都
鄉厲壇邊 一在八都鄉厲壇邊 一在九都東厝下官山厲
壇邊 一在十都四保官山鄉厲壇邊 一在十一都三保舊
蹟鄉厲壇邊

鄉南 一在十二都白塔山鄉厲壇邊係馬廷妹與馬生控告充公

山內 一在九都林裏湖 一在九都庵后 一在九都靈應
壠

縣北 一在十六都桃洲嶺邊官山 一在十七都三保轎頭坂
一在十八都黃沙洋軍田壠係屯軍蔡文誥與章有綸控告充

古田縣志

卷之二十二

惠政志

十

公田內 一在十八都鄉厲壇邊 一在二十一都李家宅山

係黃景留與卓文林控告充公山內 一在三十都荒寺院前

以上皆係
前志所載

一在城內三保后壠頭百善社邊 一在西門外白塔

齊天大聖王廟左邊 一在南門外楊梅嶺下山壠

以上三處清光緒間
邑人吳鯉光余鍾麟

等建

一在縣城南門外鼓仔山 一在西門外饅頭山 一在

過溪核窰壠跑馬道

以上三處皆民國五年知
事周恆設情葬局所五

一在西關外必抹壠地方

埋葬骸甕數十隻坐亥向巳水出巽

民國二十九年古
田佛教功德林建

清葬局 民國五年縣知事周恒以城中停柩過多因籌設清葬
局以科長馮錫藻專董之并舉紳士襄其事因查古田停柩之
習每因葬地價昂以致停柩纍纍愈積愈多爰定暫行章程每

穴山地縱十丈橫八丈爲上戶地價三十元以下二十元以上
縱八丈橫六丈爲中戶地價定二十元以下十元以上縱六丈
橫四丈爲下戶地價定十元以下一元以上其葬地在平田者
則以縱橫五丈爲限定價六十元爲止此外若欲更拓廣地址
者則按丈照以上之價遞加又以酷信風水者多惑於利年吉
月之說因勒限自五年四月起盡十箇月內爲止一律肅清當
時將城內各權厝分保調查統計停柩不下四千餘具因令有
主之柩逾限未葬者每月責令其家屬罰洋銀三圓以示懲勸
其無主者則由局募捐造義塚叢葬之當時由局所造之義塚
計三處卽縣城南門外鼓仔山及西門外饅頭山過溪硤窰壠

古田縣志

卷之二十二

惠政志

十一

跑馬路是也并嚴火葬之禁違者懲罰不貸由是城中停柩一
時肅清四鄉聞之亦皆恐逾限期紛紛以葬事爲急嗣擬遍設
分局於東西南北各鄉因周令去職遂停辦

附明邑令楊德周戒火葬文

余令古田嘗禁火葬而俗未變也因計期伊邇再作說以曉之曰在昔二代罪至惡逆始焚尸而至王莽乃有焚如之刑燒陳良口然則

焚尸大戮也以施於所生酷乃至此曾子曰慎終追遠子夏曰傷哉貧也生口以爲養死無以爲葬也燕騎刳圍齊卽墨掘人塚墓口死人齊人望見涕泣怒十倍天見人之焚之也不口憤而躬蹈之乎吳伐楚其師居麋楚可馬子期將焚之子西曰父兄親暴骨焉不能收又成之不可大師口猶不可而况以化爲葬乎孔子貧無蓋於其狗死猶與之席今晞新藉櫬然火燒之試觀其熾焰皮口盎罐藏骸縮口卽施之異類不忍見聞而鞠我育我者曾不得比於敝帷敝口之埋則古口人制爲喪禮立銘旌陳元輿啓口載遣悲嗥而祝口之者將是安仲妥靈之禮可盡口歟或曰釋氏南有炎火之國親死朽其肉而棄之秦曰口尊之死金棺銀槨厚自奉而薄待人作口等觀者必無是教也惟是列于載楚之南有炎火之國親死朽其肉而棄之秦曰西有儀渠之國親死聚新而口之此夷俗也化行俗善口口歸厚而變於夷於汝女乎有民張口口詮者貴糶爲雷所撲其妻中道焚之忽起而吾曰福詮羸死口古而又見焚不已甚乎嗟乎此亦見火化之爲死者毒甚矣口非禽獸乃沿災火儀渠之俗以事親而上復不能齊之刑禮革此至忍極僭之事此與葬作焚如者亦何能以間然則俗有擇地不善停口既久歷年未瘞者何如曰葬有禮亦有期口於口猶之戾於禮也高緯之父母非不卜宅隋文之墓田非不叶吉而慶殃反覆然則孝子順孫忍視其親之不封不樹風雨飄搖而徐委之溝壑夫親之體不能安而人子之心復何能安歟余因火葬一事撮路史隨筆之旨而併口之非其說能有加於古人也

民國二十五年西門外至北門外一帶因築甌田公路開掘古塚甚多骸骨遍野邑人張為和胡震邀集陳廷鏞江夢周等捐貲建造義塚二處一在西門外獅頭崗計埋枯骨一百三十三具一在北門外大坂壠計埋枯骨二百二十五具

民國二十八年四月黃縣長澄淵為改善古田全縣衛生視察城鄉停柩尙多匪特風雨浸淫瀕於朽臭而夏炎蒸發影響疫癘更所不免因釐訂章程劃定地價就各區鄉鎮較遠之山場確無森林建築物併於政令法律不抵觸範圍內為清葬公墓區並指定在清葬公墓區內之已有古墓或現成新墳者應一律在已成墓之中心墓碑為起點上下距離二十丈左右距離

古田縣志

卷之二十二

惠政志

十二

五丈此項公墓區之地質或係私人產物者其每台之地價最多以二十元為限確屬赤貧者免至各區鄉鎮無主之柩亦一律責成各鄉保甲長設法代為掩埋縣城辦理最見完善而各區鄉鎮亦次第推行不遺餘力第二區三三保奎樓鄉鄉民湯開川開藍正秋等亦仿縣城前此義塚之舉集資收集隣鄉附近無王停柩七具及暴露柩骸二十六具埋葬于該鄉大藍坑豎碑亦顏曰義塚好善之心洵不後人然亦黃令惠政推行有以激勸矣

普濟堂 在縣城一保后壠菴清雍正二年奉文設以收孤貧老病者今廢

養濟院 舊在縣城西北之後林明宏治初邑令屠容移於十二年邑令李光國以該地逼近城隍廟因移於西門外里許白塔地方分爲東西兩院歲給月 銀六十兩五錢九分八釐衣布銀六兩八錢二分五厘每日給銀一分小建則扣遇閏則增至民國二十八年黃縣長任內改良辦法按月由縣地方款項下核撥二百元以資維持云

衛生院 古田縣衛生院創立於民二十七年二月初院長林其吉主其事因限於經費未見發展迨二十九年春黃縣長以衛生院有關全縣衛生及人民健康且考察該院過去辦理情形

古田縣志

卷之二十二

惠政志

十三

非從事擴充不可乃籌劃增加經費健全內部人事組織與因陋就簡者不同新院長黃德鋌擘劃周詳經營備至對醫務拓展誠有足觀綜計二十八年度治療人數爲二萬二千五百人計外科九千七百人內科四千二百人五官科二千五百人皮膚科二千三百人牙科一千八百人婦嬰科一百五十人挽疴起死人爭稱頌此外如水口地處水陸交通來往人繁並特設衛生所一所於大王廟成績亦斐然可觀

痲瘋醫院 古田白塔痲瘋院於民國二十年後人院人數較爲擁擠天氣蒸炎傳染尤屬堪慮古田當局及懷禮醫院院長蒲天壽有鑒及此乃於二十五年經蒲院長向萬國痲瘋醫院捐

募有籌建痲瘋院基金數千元卽於民國二十六年秋鳩工庀材從事建築旋即告成內部藥器設備頗具規模而施益于痲瘋人者宏矣

懷禮醫院 古田縣城懷禮醫院創始於遜清光緒末葉初由美國人邱醫生主持院務至民國二十二年則由美當局改派蒲天壽先生充院長苦心經營尤著成績遞年診治人數約二三千人邑人莫不頌贊焉查該院常年應用經費數千元除門診掛號費外餘均由美國慈善家捐助殊堪記誌云爾

明心盲院 古田縣城明心盲院創始於遜清光緒二十一年初由英國高師姑發起旋即派王自成爲院長經數年改委林得恩又數年改委包邦泉經辦三十餘年頗著成績迄民國二十八年冬包辭職他就經委卓識經牧師任院長自始迄今計收人數共達二百五十餘民十九年曾田包邦泉牧師籌建院址於縣城二保設備頗好常年動用經費約千餘元向由英國慈善家捐助云

難民振濟會 難民振濟會係適應非常時期收容被難災民一種之臨時組織古田成立於民二十八年八月縣城設難民收容所六先後計收容難民百四十二人除福建本籍百二十一人外其湖南江蘇浙江河北山東共計二十一人每名每日就難民救濟金項下發給伙食費一角二分計一百七十餘元維

持二十九年一月底奉令停止收容而已收容之難民則由縣發給川資遣散回籍振濟會遂告結束

消防隊 消防隊初本消防工作團原爲弭火患防水災民二十六年七七抗戰軍興古田縣城遂因之籌辦委城廂聯保主任趙震寰兼消防工作團團長先後訓練團員六十名一面由黨政紳商名流就縣勸募的款購置大小水龍三架水桶五十擔吊桶二十隻竹梯十條鐵叉十把斧頭十把器用頗全每遇火警率能奮勇救援殊爲邑人所足道也迨民二十八年四月黃縣長任內奉令改辦消防隊加強組織全縣所有聯保一律成立一分隊內分貫注折卸救護三班貫注折卸兩班各十人至

古田縣志

卷之二十二

惠政志

十五

二十人救護班五人至十人前項貫注班遇火警則爲貫注遇水災則任搶堵遇空襲則任偵查警報折卸班遇火警則任折卸遇水災則任疏濬遇空襲則任消毒救護班水火空襲其任務則一惟隊員之選擇縣城以店員爲原則而各聯保則以各保免緩役壯丁調充之縣城聯保之消防隊經改組後即由主任余祖鈞兼任隊長內部設備較爲嚴密其他若平湖若水口地處要衝設備不亞縣城足見黃令惠政之推行出斯民於水火而登之衽席也

中醫施診所 本邑社會服務處以貧民患病醫藥乏貲坐而待斃殊爲可憫呈請 縣黨部核准在處內附設中醫施診所函

聘盧景湘爲所長張禮成張壽巖江心衡爲副所長於民國二十九年八月一日組織成立五日開始施診並商得藥業商業同業公會贊助委屬赤貧病人由醫師指定藥舖憑方施藥或減收藥費以資救濟云